



## Universitätsbibliothek Paderborn

**Libelli Cvivsdam Antverpiæ Nuper Editi Contra  
Serenissimvm D. Ioannem ab Austria, Gubernatorem  
generalem inferioris Germaniæ, qua parte conscientiæ, vt  
vocant, libertas in eo requiritur, breuis & ...**

**Lens, Jean de**

**Lovanii, 1578**

Vigesimo, quibus quamq[ue] iustis de causis Iudaeos ecclesia tolerarit,  
passaq[ue] sit su[a]e superstitionis ritus exercere.

**urn:nbn:de:hbz:466:1-30345**

70

in Hollandia & Zelandia? nēnne palam est  
nihil illic minus etiamnum seruari, quām  
Gādensis pacificationis leges? Num in illis  
aut contumeliaz, aut probra cessant ecclē-  
siasticorū, aut vincula, aut cædes, aut exilia  
cōquiescunt? Quæ utinā prouinciae reliquas  
suo satis exemplo mouissent, nō nūc dolen-  
tes vetus illud ac tritū vspare cogemur:

*Felix quem faciunt aliena pericula cautum.*

C A P V T  
X X.

I. cor 5.

HACTENVS ijs breuiter refutatis quæ  
in libello memorato causam religionis attin-  
gebāt, iam hic finem feceram, nisi de Iudeis  
paucula quædā adiungenda putauissem, non  
aliena (vt arbitror) ab instituto futura, cum  
illinc quoque peti soleat nō contemnēdum  
argumentū, ad cōprobandam hanc tā prodi-  
giosam in religione libertatē. Iudeis igitur,  
suis in synagogis atq; xribus, libera permit-  
titur auitæ religionis obseruatio, neque sibi  
in eos Ecclesia ius exercēdæ potestatis usur-  
pat, qui se se illi neque volūtate vnquā, neq;  
eiusdem religionis professione submisérū.  
Quid enim mihi, ait Paulus, de his qui foris  
sunt, iudicare? Sed et si illos cogere Ecclesia  
iure posset ad Christianæ religionis ample-  
xum, neque vllā permettere in sua religione  
libertatē, iustis tamē grauibusq; rationibus,  
quamobrē eos præ hæreticis atque schis-  
maticis toleraret, moueretur. Primū, quod vt-  
litatem

73

litudinem habet singularem antiquae gentis, ac  
religionis quondam diuinitus instituta, sed  
modo figuris vmbraiticorum sacramentorum  
impletis, superstitione, quotidiana quædā &  
oculis ipsis mota cōsideratio. Quippe eorum  
quæ Christiani credimus ac tenemus, testes  
habemus eos, qui hostes cū sint nostri, sem-  
perque fuerint, ac suam de Christianorum  
initiis ac progressu testificationē à suis ma-  
ioribus, nō ab ecclesia, sicuti hæretici, acce-  
perint, venire nō possunt in suspicionē cal-  
lidæ fictionis, tanquam illas res à Christo, eius-  
que discipulis gestas, aut illos legis veteris  
prophetarumq; libros tāto ante Christianæ  
religionis exortum conscriptos, in gratiam  
nostrī confinxerint. Ipsæ quoque illorū cæ-  
remoniæ, quæ à Deo iam olim instituta fue-  
runt, neq; ob aliud vitiosæ modo sunt, quam  
quod rebus, quæ per illas prænunciabantur,  
exhibitæ, non sine sacrilego mendacio reti-  
nentur, testimonium etiam nunc prohibent  
lucenti in orbe terrarū euangelicæ veritati.  
At ritus gentilium, non bonus vñquam, sed  
abominandus semper fuit: ideoq; hūc Apo-  
stoli in Christianis nullo modo tolerarūt, cū  
ab iis si Iudei essent, ad tēpus Iudaicos ritus  
obseruari permitteret, donec mortuæ legis  
funus ad sepulchrū quodā modo merito cū  
honore deferretur. Doctrinā quoq; hæreticā

E 4 non

non Deus tradidit aliquando , sed diabolus  
 seminavit, & si qua eius occasione in Eccle-  
 sia Christi nascatur utilitas , non id erro-  
 ri per se perniciose , sed diuinæ gratiæ &  
 miserationi tribuendū est, qua diligentibus  
 Deum omnia convertuntur in bonum his  
 qui secundūm propositum vocati sunt san-  
 cti. Nam quod subinde hæretici , dum mu-  
 tuis inter se dissidijs conflictantur , Catho-  
 licorum causam adiuuant , firmisque sape  
 rationibus atque idoneis testimonijs corro-  
 borant , non id qua parte hæretici sunt fa-  
 ciunt , sed qua parte à Catholica doctrina  
 non discedunt , & secum aliquid de Eccle-  
 siæ bonis , cum ex nobis exirent , detulerunt.  
 Velut cum Lutherus Dominici corporis in  
 Eucharistiæ Sacramento profitetur esse ve-  
 ritatem , atque id ipsum omnis generis argu-  
 mento confirmat contra Caluinum. Velut  
 cum Brentium cæteræ sectæ vehementer  
 oppugnant , falsoque asserti , Christi corpus  
 omnibus simul in locis esse , perspicuis con-  
 vincunt argumentis. Quibus in concerta-  
 tionibus non hoc illos hæreticos facit quod  
 utiliter pro nobis astruunt , sed id quo do-  
 ctrinæ Catholice pertinaci animositate re-  
 sistunt. Quod si ex Christianis hæretici fie-  
rent , qui ea quæ à Iudæis fiunt , obseruari à  
Christianis quoque oportere profiterentur  
(quod

(quod nonnullis ab schismatibus factum  
memoriae proditum est) & hos Ecclesia iu-  
re suo, propter Dominicum characterem  
reuerti compelleret, & perniciose doctri-  
nae seminationem meritò cohiberet. Qui  
autē suis ex progenitoribus Iudæi sunt, etiā  
hoc nomine præ alijs tolerantur, quod tra-  
ditas sibi cæremonias simpliciter obseruant,  
neque quod faciunt, populis Christianis sic  
esse faciendum, aliqua doctrinæ professio-  
ne persuadere nituntur. Itaque D. Augusti-  
nus quod scriptum est in Psalmo : Deus o- *Psalm. 58.*  
stendit mihi super inimicos meos. Ne occi-  
deris eos, nequādo obliuiscātur populi mei,  
seu, vt ipse legit, nequādo obliuiscātur legis  
meæ; posse dicit de Iudæis intelligi, tāquam  
diceretur apertius : Istosipsoſ qui me occi-  
derunt inimicos meos, tu noli ē medio tol-  
lere. Itaq; Iudæi (inquit) manent cū signo,  
neque sic victi sunt vt à victoribus absorbe-  
rentur. Non sine causa Cain ille est, qui cum  
fratré occidisset, posuit in eo Deus signum,  
ne quis eum occideret. Hoc est signum  
quod habent Iudæi. Tenent omnino reli-  
quias legis suæ, circunciduntur, sabbatha  
obseruant, Pascha immolant, azyma come-  
dunt. Occisi non sunt, propterea quod gen-  
tibus credentibus necessarij forent. Nimi-  
sum ut in ramis superbiæ præcisis, inserto

E 5      Deus

Deus misericordiam suam demonstraret o-  
leastro. Et paulo pōst aliam vtilitatem ad-  
iungens : Si forte (inquit) quando paga-  
nus aliquis dubitauerit , cum ei dixerimus  
prophetias de Christo , ad quarum eviden-  
tiam obstupescit , & admirans putauerit à  
nobis esse conscriptas , de codicibus Iu-  
dæorum probamus , quia hoc totum antē  
prædictum est . Et Epistola 59. ad Pauli-  
num ad quest. 9. Ipsa (inquit) Prophetia  
quid aliud nisi à nostris putaretur esse con-  
ficta , si non de iniucorum codicibus pro-  
baretur ? Ideo ne occideris eos , ne iphius  
gentis nomen extinxeris , ne quando obli-  
uiscantur legis meæ . Has igitur ob causas  
Iudaicos ritus Ecclesia tolerauit , Iudæis-  
que , cum quieti essent , nulloque perfidia  
sux scelere Rempublicam perturbarent ,  
suam in Iudaica superstitione concessit li-  
bertatem . Quin nec illos inuitos cogi  
ad professionem Christianam vt probaret  
adduci potuit : cum non defuisse in Ec-  
clesia principes , qui id imprudenti zelo ,  
faciendum esse putauissent . Quid enim  
ad salutem prodesse queat , si quem recla-  
mantem , inuitumque baptizes ? Imo vero  
nec citra iniuriam id fiebat diuini sacra-  
menti , cuius ad susceptionem admitten-  
dus est nemo , nisi qui se cordis sincera con-  
uersio-

versione præbuerit dignum. Hinc igitur  
 illa sunt in concilio Toletano quarto : De *canon. ss.*  
 Iudæis præcepit sancta synodus, nemini de-  
 inceps ad credendum vim inferre. Cui e-  
 nim vult Deus miseretur, & quem vult in-  
 durat. Non enim tales iniuti saluandi sunt,  
 sed volentes, ut integra sit forma iustitiae.  
 Sicut enim homo propria arbitrij volunta-  
 te serpenti obediens periret : sic (vocante se  
 gratia Dei) propriæ mentis conuersione  
 quisque credendo saluatur. At verò de his  
 qui iam fuerant initiati, si forte à Christiana  
 professione resilissent, multo aliter loqui-  
 tur. Hos enim & reuocari vult, & redire  
 compelli, ut teneant quod semel suscep-  
 runt, & vitam agant suæ professioni con-  
 gruentem. Qui (inquit) iam pridem ad  
 Christianitatem venire coacti sunt, (sicut  
 factum est temporibus religiosissimi prin-  
 cipis Sisebuti) quia iam constat eos sacra-  
 mentis diuinis associatos, & baptismi gra-  
 tiam suscepisse, & chrismate vncos esse, &  
 corporis Domini & sanguinis extitisse par-  
 ticipes, oportet ut fidem etiam, quam vi vel  
 necessitate susceperunt, tenere cogantur,  
 ne nomen Domini blasphemetur, & fi-  
 des quam susceperunt contemptibilis ha-  
 beatur. Et canone sequenti : Iudæi qui  
 ad fidem Christianam promoti, abominan-  
 das

das circuncisiones, & alios Iudaicos vſus exercuerint, pontificali authoritate corrigan-  
tur, & ad cultum Christiani dogmatis reuocentur. Nihil hæc igitur eorum patro-  
cinantur votis, qui sub professione Chri-  
stiana fidem deserunt, & sibi tamen liberta-  
tem, quæ Iudæis negata non sit, concedi po-  
stulant. Quin potius ut in eos Iudæos, qui  
baptismum susceperant, ius suæ potestatis Ecclesia mater exercuit: ita & in hos om-  
nino potest, magisq; debet exercere: quod  
& insolentia morum multis infirmioribus  
ruinam afferant, & docendo corrumpant.  
Reuocandi sunt prorsus ad Ecclesiæ leges,  
quibus se cum baptizarentur, submiserunt,  
atque ordine constituto, iniicienda sunt eu-  
aganti frena licentiæ.

**CAPUT**    **N**EC verò est quod de spiritu Dei glo-  
**X X I.** rientur tāquam liberi, quia dixerit Aposto-  
**2. Cor. 13.** lus: Vbi spiritus Domini, ibi libertas. Solent  
 enim hoc in ore habere, nec dubitant diui-  
 ni verbi gladio quasi sibi præcidere habens  
 quibus ut iliter regebantur. Ac fuit etiam  
Damnatur in concilio generali Viennensi. hæc olim in Germania Begardorum & Be-  
 guinarum absurdâ persuasio, vt affererent  
 homines in hac vita perfectos, & spiritu  
 præditos libertatis, non esse humanæ obno-  
 xios obedientiæ, neq; ad ullius Ecclesiasti-  
 ci præcepti obseruationem obstringi. Nem-  
 pe quia